

Solelheta (3/7)

Alavetz la Solelheta li diguèt :

« Paire, se lo vos gardàvetz ? Per l'amor de ieu, gardatz-lo. »

Lo Drac, tot Drac qu'èra, aimava sa filha. Li diguèt :

« E ben, per qu'o vòls, lo gardarai, mas a condicion que faga tot çò que li comandarai. »

Aquel ser, lo Drac faguèt sopar lo Bernadonet a sa taula. Après li diguèt :

« Vòli que, deman, fagas una font, e que, deman al ser, per sopar, pòrtes una botelhada d'aiga d'aquela font sus la taula. »

L'endeman matin, li balhèt un fossor e un palavèrs, e lo Bernadonet partiguèt ambe aqueles utisses per anar far la font. Mas, al primièr pic, se brigalhèt lo fossor e lo palavèrs : èran d'utisses de coja !

A miègjorn, la Solelheta diguèt a sa maire :

« Maire, vòli anar portar la sopa al Bernadonet.

O vòli pas.

Vos disi qu'i vòli anar.

E ben ! vai-z-i-, tant i vòls anar. »

E la Solelheta partiguèt.

Quand arribèt prèp del Bernadonet, li diguèt :

« Adieu, Bernadonet.

Adieu, Solelheta.

As l'aire plan en pena. Qu'as ?

Al primièr pic, me soi brigalhat lo fossor e lo palavèrs.

Iè ben ! te desòles pas per aquò. Manja, e veiràs que la font serà lèu facha. »

Quand lo Bernadonet agèt manjat, la Solelheta se tirèt un bastonet de la cinta e diguèt :

« Per la vertut de ma bagueta, que la font siá facha, que i aja d'aiga e que n'i aja una botelhada sur la taula anuèch ! »

Sul còp, la font foguèt facha, foguèt plena d'aiga, e lo Bernadonet se'n prenguèt una botelhada, e lo ser, la metèt sus la taula.

Quand lo Drac arribèt e que vegèt aquela botelhada d'aiga, diguèt :

« A ! Solelheta, Solelheta, as plan obrat aici !

Nani, mon paire. »

Sopèron ; après, lo Drac diguèt :

« Femna, mena aquel dròlle al lièch del cambròt. »

Aquel lièch èra un lièch de fuòc ! Mas la Solelheta intrèt doçament dins lo cambròt e diguèt al Bernadonet :

« Vai te colcar al mieu lièch. »

E ela, se colquèt al lièch de fuòc.

Questions (3/7)

1. Religa per tornar bastir las tres frasas.

Aquel ser, li balhèt foguèt lo Bernadonet.

Sul còp, lo Drac un fossor facha.

L'endeman matin, la font faguèt sopar e un palavèrs.

2. Enròda la bona responsa. Lo Drac demanda a Bernadonet de far lo sopar anar quèrre una coja far una font

3. Torna metre las letras dins l'òrdre per trobar çò qu'es lo bastonet de Solelheta

G A U A B E T

— — — — —

4. Quand lo Drac arriba, qué tròba sus la taula ?

.....

5. Dessenha Solelheta e son bastonet.

Questions (3/7)

1. Religa per tornar bastir las tres frasas.

Aquel ser, li balhèt foguèt lo Bernadonet.

Sul còp, lo Drac un fossor facha.

L'endeman matin, la font faguèt sopar e un palavèrs.

2. Enròda la bona responsa. Lo Drac demanda a Bernadonet de far lo sopar anar quèrre una coja far una font

3. Torna metre las letras dins l'òrdre per trobar çò qu'es lo bastonet de Solelheta

G A U A B E T

— — — — —

4. Quand lo Drac arriba, qué tròba sus la taula ?

.....

5. Dessenha Solelheta e son bastonet.